



20 19 йил « 8 » 07

№ 08-379

« \_\_\_\_ » \_\_\_\_ 20 \_\_\_\_ год

### Хужжат ижроси тўғрисида

Ўзбекистон Республикаси Президентининг 2019 йил 1 июлдаги “Ўзбекистон Республикаси Адлия вазирлиги ҳузуридаги Интеллектуал мулк агентлиги фаолиятини ташкил этиш чора-тадбирлари тўғрисида”ги ПҚ–4380-сон қарори ҳамда Ўзбекистон Республикаси адлия вазирининг 2019 йил 3 июлдаги 215-ум-сон буйруғи ижросини таъминлаш мақсадида

### Б У Ю Р А М А Н:

1. Ўзбекистон Республикаси Президентининг 2019 йил 1 июлдаги “Ўзбекистон Республикаси Адлия вазирлиги ҳузуридаги Интеллектуал мулк агентлиги фаолиятини ташкил этиш чора-тадбирлари тўғрисида”ги ПҚ–4380-сон қарори, Ўзбекистон Республикаси адлия вазирининг 2019 йил 3 июлдаги 215-ум-сон буйруғи ҳамда Ўзбекистон Республикаси олий ва ўрта махсус таълим вазирининг 2019 йил 3 июлдаги 593-сон буйруғи маълумот ва ижро учун қабул қилинсин.

2. Қарор билан:

Ўзбекистон Республикаси Адлия вазирлиги ҳузуридаги Интеллектуал мулк агентлиги (кейинги ўринларда – Агентлик) ижро этувчи аппаратининг янгиланган тузилмаси тасдиқланганлиги;

Ўзбекистон Республикаси адлия вазирига ходимларнинг белгиланган чекланган сони доирасида Агентликнинг ижро этувчи аппарати тузилмасига ўзгартиришлар киритиш, шунингдек зарур ҳолларда белгиланган тартибда қўшимча штат бирликларини жорий этиш ҳуқуқи берилганлиги;

Агентлик интеллектуал мулк объектларига бўлган ҳуқуқларни муҳофаза ва ҳимоя қилиш соҳасида ягона давлат сиёсатини амалга оширувчи ваколатли давлат бошқаруви органи, Агентликнинг шартномалари ва мажбуриятлари бўйича ҳуқуқий ворис ҳисобланиши;

Адлия вазирлигининг ҳудудий бўлинмаларига қўшимча вазифалар юклатилганлиги;

“Интеллектуал мулк соҳасида кадрларни қайта тайёрлаш ва уларнинг малакасини ошириш ўқув маркази” давлат унитар корхонаси “Ўзбекистон Республикаси Адлия вазирлиги ҳузуридаги Интеллектуал мулк агентлиги қошидаги Интеллектуал мулк консультатив маркази” давлат унитар корхонаси этиб номланганлиги;

Ўзбекистон Республикаси Адлия ҳузуридаги Юристлар малакасини ошириш марказига интеллектуал мулк соҳасидаги кадрларнинг малакасини, шу жумладан пуллик асосда ошириш бўйича қўшимча вазифа юклатилганлиги инобатга олинсин.

3. Ўқув-услубий бошқарма (Э.Шерматов), Магистратура бўлими (Э.Мухамадалиев) ва Интеллектуал мулк кафедраси (Н.Гафурова) 2019/2020 ўқув йилидан бошлаб, Тошкент давлат юридик университетида янги ташкил этилган “Ҳуқуқ ва интеллектуал мулк” магистратура мутахассислиги бўйича ўқув жараёнини ташкил этиш билан боғлиқ зарур чора-тадбирларни амалга оширсин.

4. Тошкент давлат юридик университети қабул комиссияси масъул котиби А.Бабаджанов Ўзбекистон Республикаси олий таълим муассасаларига давлат буюртмаси асосида ўқишга қабул қилиш параметрлари бўйича ушбу магистратура мутахассислигига қабул жараёнини ташкил этилишини таъминласин.

5. Ўзбекистон Республикаси Президентининг 2019 йил 17 июндаги “2019/2020 ўқув йилида Ўзбекистон Республикасининг олий таълим муассасаларига ўқишга қабул қилишнинг давлат буюртмаси параметрлари тўғрисида”ги ПҚ–4359-сон қарорида мазкур магистратура мутахассислигининг номи “Ҳуқуқ ва интеллектуал мулк” деб номланганлиги эътиборга олинсин.

6. Мазкур буйруқ ижросини назорат қилишни ўз зиммамда қолдираман.

Адлия вазири  
ўринбосари – ректор

 **Е. Каньязов**